

खद्दर गे बाइबल
एद'अना

यीशुस हीं
कुन्द्रना



तरती तूड़तारकी र'ई: Edward Hughes

तरती कमतारक'आ र'ई: M. Maillot
Alastair Paterson

तरती हो'अतारकी र'ई: E. Frischbutter; Sarah S.

तरती उल्था नन्तारकी र'ई: इसान निंगहय नामे तूड़आ

तरती कमतारकी र'ई: Bible for Children
www.M1914.org


©2021 Bible for Children, Inc.

लाइसेंस: इदिन मल बीसना गूटी, निंगहय गुसन ई कहानीन
काँपी महले प्रिंट नन्ना हीं हक र'ई।



ढेरियेम उल्ला अगे, धर्मेस गाब्रियेल
मेर्खादूतन मरियम नामे हीं ओरोत दाव
कुना यहूदी पेल्लो गुसन तइक'आ
रुहचस। आस अदिन बाचस, "निंगहय
ओरोत खद्दस मनोस अउर आस हीं
नामे यीशु उइके। आस हरमीन्ती
कोंहा उबास हीं खद्द बार्तार'ओस।

आस हरमी
उल्ला राजी
ननोस।”



“ईद एकन्ने मना उंग्गी?” आद हयकट
मनार की मेंजा। “एन एका मेतास गने
हँ मल्ला रहचक’आ।” मेखादूत
मेरियमन बाचा, खद्दस धर्मेस तरती
बर’ओस। एक’अम आलास तम्बस
मल मनोस।



खने मेखादूत मरियमन
तिंगया का अदिहीं मुसी
बहिन इलिजाबेथ
तंगहय पच्यो परिया नु
खद्द जन्म'आ लगी।
ईद हँ ओन्टा हयकट
नलख रहचा। इदिही
खोखम, मरियम
इलिजाबेथन भेटार'आ
गे केरा। आर
ओनसंगगहेम धर्मेसिन
ओहमा नंजर।



मरियम हीं लोटा-अम्म
युसूफस नामे ओरोत
आलास गने मंजकी
रहचा। युसूफस हेंदवारस
केरस एकाबारी आस
अखस का मरियम हीं
खदद मन्ना अवला
र'ई। आस सोच्चस
का नन्ना एक'अम
आलास बापस रहचस।



ओन्टा सपना नु धर्मेस हीं दूत
यसूफसिन बाचस का ई खद्दस धर्मेस
हीं खद्दस हेकदस। यसूफस गे यीशुसिन
एरा-खोजा गे मदाईत नन्ना रहचा।



युसूफस धर्मेस मंड्य्याँ असरा उड्य्यस अउर कत्थान पे:सरस।
आस तंगहय राजी ता नियमन हुँ पे:सरस। ओन्टा पुना नियम
हीं चड्डे, आस अउर मरियम
तमहय र'अना पद्दा बेथलेहेम
मालगुजारी चि'आ
गे केरर।



मरियम गे खदद
जन्म'अना हीं दुखजनारकी
रहचा। लिकिन जोसेफस
गे एकसन हँ अड्डा मल
खकखरा। हरमी डेरा
एडपा निंदक'ई
किरकी रहचा।



अन्तले युसूस गोहाली एडपा नु अड्डा खक्खियस। असन
बोलो खद्द यीशुस कुन्द्रस। आसं हीं तंगियो आसिन ओन्टा
चरनी नु उड्य्यां, एन्ने ओन्टा अड्डा
एकसन गाय-अड्डो गे चारा
चीतार'आ लगिया।



थोड़ेक गेच्छा, ग्वालार तमहय खन्द्र'ऊ भेंडोन खापा लगियर।
धर्मेस हीं मेखादूत आर गुसन दहदार मंजा अउर आरिन
बग्गेम दाव कत्थान तिगया।



“इन्ना ता उल्ला नु दाऊदस हीं नगर नु निमा गे ओरोत
बछाब'उस कुन्दूरक'आ र'अदस, ने उर्बा ख्रीस्तस हेकदस।
नीम बोलो खद्दासिन चरनी नु
कीदाचक'आ खकखोर।”



अच्चाका, ओन कुधना बिल्चना मेर्खादूत, धर्मेसिन
ओहमा ननते बाचर, “धर्मेस हीं ओहमा मेच्छा
मनो अउर खेखेल नु शांति, आलार गे
दाव मनो।”



ग्वालर चाडेम गोहाली एडपा तरा केरर।
बोलो खद्दासिन ईरक'आ खोखा आर
होरमारिन तिंगयर का यीशुस हीं बारे नु
मेर्खादूतर एन्देर बाचक'आ रहचर, आर
असानिम खकियर।



चालीस उल्ला खोखा, युसूस अउर
मरियम यीशुसिन येरुशलैम हीं
मन्दिर नु ओन्दर। असन शिमोन
नामे ओरौत आलास बोलो
खद्दस गे धर्मेस हीं
ओहमा नंजस, अउर पच्चो

आली अन्ना,
धर्मेस हीं
नन्ना सेवा
ननुद,
धन्यवाद
चिच्चा।



दुयो झन अख'आ लगियर का यीशुस
धर्मस हीं खद्दस, गच्छरक'आ
बछाब'उस रहचस। युसूफस दुई

ठ ओ: डा दांड़े अरगाचस।
ईद भेंट रहचा, धर्मस हीं
नेग ब'ई का गरीब आलार
गे ओन्द्रोना हेके,
एकाबारी आर

ओरोत
बोलो
खद्दासिन
धर्मस हीं
मुन्दहारे
अरगानर।



जोक्क बेड़ा खोखा,
ओन्टा मध बिनकोद
पुर्बे राजी ती येरुशलेम
गे लूरगर आलारिन
डहरे ए:दा।

आर मेंजर का “एकसन यहदीर
हीं बेलास कुन्दुरक’आ र’अदेस?”।
“एम आस हीं ओहमा नना बेदाम।”





हेरोदेस बेलास लूरगर आलार
हीं बारे नु मँजस। दुःखी
मंजस की आस आरिन
बाचस, यीशुसिन खकखोर
होले एंगन हँ तेंगके। हेरोदेस
बाचस, “एन हँ आस हीं
ओहमा नना द्दान,” लिकिन
आस ठक'आ लगियस।
हेरोदेस यीशुसिन पिट्टा
बेद्दा लगियस।



बिनकोद लुरगर आलारिन ठीकेम
आ एडपा नुम अडसताचा एकसन
मरियम अउर यूसुफ बोलो खद्दस
गने रहचर। मुकलिद्दरर की
ओहमा नंते डहरे ईकूर यीशुस गे
सोना अउर महमहारना ईसूंग
उपहार चिच्चर।



धर्मेस लूरगर आलारिन चुपचाप
ती एडपां किरां गे चेताबाचस।
हेरोदेस कयरारस। यीशुसिन
पिट्टागे ठन'अर, मलदाव राजी
चलाब'उस बेथलहम नु होरमा
कुक्को खद्दारिन पिट्टियस।



लिकिन हेरोदेस धर्मस हीं
खद्दासिन खाति अडसता
पोल्त्रास! यूसुफस ओन्टा
सपना नु चैतावनी खक्खर
की, मरियम अउर यीशुसिन
मिस्र राजी नु बछाब'अर
होच्चस केरस।



एकाबारी हेरोदेस
केचस, खने यूसुफस,
मरियम अउर यीशुसिन
मिस्र राजी ती
किरताचस
ओन्द्रस।



आर गलील झील हेददे, नासतर हीं
सन्नीकुना नगर नु र'आ लगियर।



यीशुस हीं कुन्द्रना

धर्मेस हीं बचन ती ओन्टा खीरी, बाइबल,

इय्या खकखरी'ई

मत्तीस 1-2, लुकास 1-2

“निंगहय बचन हीं बखडे बिल्ली चि'ई।”

अस्सना पड़ना 119:130



मुंजरा



इबड़ा बाइबल खीरी नमन नमहय हयकट धर्मस हीं बारे नु तिंगी, ने नमन कमचस अउर आस चहदस का नीन आसिन अख'आ।

धर्मस अखदस का नाम मलदाव नलख नंजक'आ र'अदत, एकदन आस पाप ब'अदस। पाप हीं सस्ती खे'अना हेके, लिकिन धर्मस निंगन अज्जम चोन्हा नंदस औंगे आस तंगहय ओन्टा एकला तंगदस यीशुसिन तइय्यस का क्रुस नु खे'ओस अउर निंगहय पाप गे सस्ती खक्खोस। तेकर यीशुस उज्जा चोचस अउर तंगहय एड़पा मेर्खा राजी केरस! अगर नीन यीशुसिन पत्त'ओय अउर निंगहय पाप गे छमा ने'ओय, होले आस छमा ननोस चि'ओस। आस अक्कन बर'ओस अउर निंगहय जिया नु र'ओस, अउर नीन आस गने जिनगी जुग उज्जोय।

अगर नीन इदिन मानिम पत्त'अदय होले इदिन धर्मस ती ब'आ: अना यीशु, एन पत्त'अदन का नीन धर्म हेकदय, अउर एंगहय पाप गे आल बंचकय की केच्चकय, अउर अक्कन उज्जने र'अदय। सोगगे एरर की एंगहय जिनगी नू बरा अउर एंगहय पापन छमा नना, एकात्तुक अक्कन एंगहय पुना जिनगी मनो, अउर उन्दुल निंगहय गने जिनगी जुग र'ओन। एंगन निंगहय खद्द लेखा निंगहय कत्थान पे:सर'आ गे अउर निंगा उज्जा गे सहारा चि'आ। आमीन।

रोजेम बाइबल पढ़'आ अउर धर्मस गने कसनख'आ! योहन 3:16

